



GÅNÅGISÁLASJ ÁDÅSMAHTTEM- HÁLDADUS- JA GIRKKODEPARTEMÆNNTA

Jáhtotjála

Suohkana
Fylkkasuohkana
Fylkkamánne
Politihkalasj belludagá
Sámepolitihkalasj organisasjávnná

Nr.
P-3/2013

Mijá siev.
2012001988 -

Biejvve
18.03.2013

Jáhtotjála Sámediggeválga njuolgadusáj rievddama birra – Diedo jienastiddjiida gudi dássju bessi ávddágiehtaj sámediggeválgajda jienastit

Ádástuhttem-, háldadim- ja girkkodepartemennta le mierredam ádá nuppát lahtasav § 39 a njuolgadusán javllamáno 19. biejve 2008 nr. 1480 Sámediggeválga birra. Rievddam almoduváj ja jáhtuj biejaduváj javllamáno 19. biejve 2012.

Njuolgadusáj § 39 a le ádá nubbe ladás mij mierret sámeválggastivrra suohkaniijn gánná árru binnep gá 30 gudi li jienastusláhkuj tjáledum, galggá ávddál ávddágiehtajienastibme álggá, diededit jienastiddjiit sij bessi dássju jienastit ávddágiehtaj. Dát diededibme galggá liehket tjálalasj ja dan sisadno galggá dássju diedo láhkavuodo birra mij subtsas jienastiddje dássju ávddágiehtaj bæssá jienastit, makkir suohkanin jienastiddje le tjáledum, ávddágiehtajienastime ájggudahka, gánná suohkanin bæssá ávddágiehtaj jienastit, jus bæssá ietjá suohkaniijn ávddágiehtaj jienastit jali álggorijkas, Svalbardas jali Jan Mayenis jienastit.

Njuolgadus javllamáno 19. Biejves 2008 nr. 1480 Sámediggeválga birra gávnnu dáppe: www.lovdato.no. Dát jáhtotjála dáro- ja sámegiellaj gávnnu Ádástuhttem-, háldadim- ja girkkodepartementa næhttasijdojn www.regjeringen.no/fad ja Sámedikke næhttasijdojn www.samediggi.no.

Duogásj

Sámelága § 2-3 goalmát lahtasa milta bessi Sámedikke jienastimláhkuj tjáledum jienastiddje suohkaniijn gánná li binnep gá 30 jienastumláhkuj tjáledum, dássju ávddágiehtaj jienastit sámediggeválggaj. Gá mierret makkir suohkana dá li, galggá Sámedikke jienastimláhko navti gáktu lij biehtsemáno 30. Biejve dan jage gá mañemusát

lij suohkan- ja fylkkadiggeválgga vuodon liehket, javllamáno 19. Biejve 2008 nr. 1480 njuolgasusáj milta ma guoski Sámedikke válgajda § 39 a vuostasj ladás.

Sáme válggadutkamprográmma (2008–2011) le 2009 sámediggeválga aktijvuodan duodastam válggaoassálasstem dajn suohkanijn gánná dássju bæssá ávddágiehtaj jienastit, le viehka álov unnum. Akta sivájs soajttá jienastiddje ilá mañnet ájttsin bessin dássju ávddágiehtaj jienastit. Njuolgasusáj § 39 a ádá nuppe lahtasa ulme le lasedit válggaoassálasstemav suohkanijn gánná jienastiddje dássju ávddágiehtaj bessin jienastit.

Bádj ávddán guládallamin jut guoskavasj suohkanij ruhtagálo ja háldaduslasj vájkkudusá li uhtsegattja.

Rievddam javllamáno 19. Biejve 2008 nr. 1480 njuolgasusájs ma guoski Sámedikke válgajda

§ 39 a ádá ladás návti gullu:

(2) Suohkanijn gánná li binnep gá 30 jienastimláhkuj tjáledum, vuostasj lahtasa nuppát tjuorga milta, galggá sámeválggastivrra diededit jienastiddjijt ávddál válga álggi jut bessin dássju ávddágiehtaj jienastit sámediggeválggaj ávddágiehtaj jienastime ájggudagán. Galggá tjálatattjat diededit ja dan sisadno galggá dássju:

- a) láhkavuodo mij mierret jienastiddje dássju ávddágiehtaj bæssá jienastit,
- b) makkir suohkanij jienastiddje le tjáledum,
- c) ávddágiehtaj jienastime ájggudahka,
- d) makkir sajijn suohkanijn bæssá ávddágiehtaj jienastit,
- e) vejulasjvuohtha ietjá suohkanijn ávddágiehtaj jienastit, ja
- f) jut bæssá álggorijkas, Svalbardas ja Jan Mayenis jienastit.

Varrudagáj

Kristin Ryan
ássudakdirektørra

Eirik Larsen
rádevadde

Kopia: Sámedigge
Suohkan- ja guovllodepartemennta